



Inatsisartunut ilaasortaq Palle Christiansen, Demokratit  
Inatsisartut Allatseqarfiat  
/Maani

### 2013-mi § 37 malillugu apeqqummut nr. 89-mut akissut

4. juli 2013  
Sagsnr. 2013-085144  
Dok. Nr. 1248432

4. juni 2013 Naalakkersuisunut tulliuullugu taaneqartut apeqqutigisimavatit:

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.nanoq.gl

1. Suna pissutaava, Naalakkersuisut nalilermassuk, Namminersorlutik Oqartussat tusagassiivata, tusagassiinermut ataqatigiissaarisumik atorfinitsitsinissap tungaanut nammineq tusagassiinnaasimannginneranut?
2. Nalinginnaava sullivimmut – matumani sullivimmik Pilumut – suliakkiisimaneq Naalakkersuisut siullittaasuannut tusagassiornermut siunnersuisooqullugu?
3. Sunami pissutaava Naalakkersuisut allat pinnagit, toqqarmassuk Julie Rademacherip sulliviutaa nutaaqqinnaaq Pilu? Akikinnerugami?
4. Naalakkersuisut sullivinnik allanik neqeroortitsippat? Taamaassimappat qassimmita neqeroortinneqarpat aamma Pilumik toqqaanermut atatillugu pingaarnersiuiinermi suummita toqqammavigineqarpat?
5. Naalakkersuisut allattoqarfiata sullivik taannarpiaq (Pilu) siunnersuutigaa aamma sunniuteqarsimanerluni, Julie Rademacherip sullivimmik piginnittuusup, siusinnerusukut Siumup suleqatigisaa Socialdemokraterne sinnerlugit folketingimi ilaasort-aasimanera aamma akilerneqarluni imaluunniit ikinngutitut – aamma Siumup qineqqusaarnerani suleqataasimanera?

---

Aallaqqaammut kingusissumik akissuteqarneq ajuusaarutigineqarpoq.

1) Tusagassiiviup Namminersorlutik Oqartussani naalakkersuisoqarfinnut tusagassior-nikkut suliassat amerlasuut isumagisarai. Matumunnga ilanngullugit Naalakkersuisut nittartagaata intranetiatalu aserfallatsaalinissaa ineriartortinneqarnissaallu. Tusagassi-ivimmi sulisup tamanna tikillugu Naalakkersuisut siullittaasuannut tusagassiornermut siunnersuineq piffissamik sivisussusilikkami atorfeqarluni sularisimavaa, kissaatigisimallugulu immikkoortortaqaqfimmil sulianut nukinginnartunut allanut suli-aqalernissani.

Tamanna pissutigalugu aammalu Naalakkersuisut siullittaasuannut tusagassiorneq pillu-gu siunnersuisarneq pingaaruteqartumik atorfiunera pissutigalugu, pisariaqarsimavoq tamatumunnga atatillugu tusagassiorneq pillugu siunnersuisarneq sukkasuumik aaqqiivigineqarnissaa Naalakkersuisut nutaat sulilernerannut atatillugu, tamatumunnga-lu ilutigalugu immikkoortortaqaqfiup iluani ineriartortitsinermut suliat unitsinneqaratik.

2) Pisuni arlaliusuni Naalakkersuisut nikerarneranni siunnersorteqartarneq ator-neqartarsimavoq sulianut aalajangersimasunik sammisaqarnissamut, imaluunniit piffissap sivikinnerusup iluani ingerlaavartumik suliassanut.

3) Suliamik ingerlatsinissamut Julie Rademacher-imik toqqaaneq pivoq suliassat suus-susiinik naliliineq tunngavigalugu tamatumunnga ilanngullugu Julie Rademacher-ip naalackersuinikkut pilersaarusiornikkut siunnersuisinnanermut aammalu qinikkatut misilittakkamigut pisinnaasai tunngavigalugit.

Isumaqatigiissuteqarnermut atatillugu ilutsiullugu isumaqatigiissutigineqarpoq timemut akissarsiaqartitsinissaq suliamik isumaginninnissamut sulianut nalinginnaasumik sam-misaqarfiusunut assingusunut atortakkamik, assersuutigalugu inatsisitigut sam-misaqarluni suliassanik isumaginninnermi.

4) Suliffeqarfinit unammillertunit neqeroorutinik pissarsiniartoqanngilaq.

5) Nalunaarutigisinnaavara toqqammaviit ilagisimangimmassuk Julie Rademacher-imik toqqaanermi sulianut aalajangersimasunut suliaqartinneqarnissaani, danskit Folketingi-ani ilaasortaasimanera Socialdemokratit tunuliaqutaralugit.

Matumani naliliivigineqarsimavoq qinikkatut sulisimanermut ilisimasaqarneq kiisalu ka-laallit nunaannut pissutsinik ilisimasaqarneq pisinnaasatut pingaartut Kalaallit Nunaata inissisimaneranut atatillugu suliassani isumaginninnissamut, suliassanut maanna pis-unut amerlasuunut inuiaqatigiit siunissami ineriartornissaannut annertuumik pingaar-tilinnut.

Taamaattumik nalilerneqarsimavoq Julie Rademacher-ip siusinnerusukkat danskit Fol-ketinngianni ilaasortatut sulisimanera nalinginnaasumik pisinnaasat tamakkorpiat pigi-lersimammagit, tamakku ataqatigiissillugit Naalackersuisut siulittaasuannut tusagassiutitigut siunnersortitut suliaqarnissamut qaffasissumik pisinnaasaqalersillugu.

Kiisalu nalunaarutigisinnavara Pilu-mik isumaqatigiissuteqarsimanermut suliaqarnerit tamarmik, aammalu tamatumunnga atatillugu suliamik ingerlatsisimaneq, Siulittaasup Naalackersuisoqarfiata allatseqarfianit isumagineqarsimammata sulianut assingusunut nalinginnaasumik suliaqartarneq maleqqissaarlugu.

Inussiarnersumik inuulluaqqusillunga

Med venlig hilsen



Aleqa Hammond



4. juni 2013

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

- 1. Suna pissutaava, Naalakkersuisut nalilermassuk, Namminersorlutik Oqartussat tusagassiiviata, tusagassiinermut ataqatigiissaarisumik atorfinitsitsinissap tungaanut nammineq tusagassiisinnaasimanninneranut?**
- 2. Naliginnaava sullivimmut – matumani sullivimmik Pilumut – suliakkiisimaneq Naalakkersuisut siulittaasuanut tusagassiornermut siunnersuisueqqullugu?**
- 3. Sunami pissutaava Naalakkersuisut allat pinnagit, toqqarmassuk Julie Rademacherip sulliviutaa nutaaqqinnaaq Pilu? Akikinnerugami?**
- 4. Naalakkersuisut sullivinnik allanik neqeroortitsippat? Taamaassimappat qassimmita neqeroortinneqarpat aamma Pilumik toqqaanermut atatillugu pingaarnersuinermit suummita toqqammavigineqarpat?**
- 5. Naalakkersuisut allattoqarfiata sullivik taannarpiaq (Pilu) siunnersuutigaa aamma sunniutqarsimanerluni, Julie Rademacherip sullivimmik piginnittuusup, siusinnerusukkut Siumup suleqatigisaa Socialdemokraterne sinnerlugit folketingimi ilaasortaasimanera aamma akilerneqarluni imaluunniit ikinngutitut – aamma Siumup qineqqusaarnerani suleqataasimanera?**

(Inatsisartunut ilaasortaq Palle Christiansen, Demokraatit)

**Tunngavilersuut:**

Naalakkersuisut siulittaasuata arlaleriarluni oqaatigaa maannakkut Naalakkersuisuusut ammaneq pingaartilluinnaraat. Naalakkersuisulli iliuuserisartagaasa ajorluartumik killormut pisoqartoq takutippaat.

Arlaleriarlunga Naalakkersuisut nassuiaatinniarsarigaluarpakka, sooq inuup ataatsip suliffiutaa tusagassiinermut atorneqarsimanersoq. Naalakkersuisut siulittaasuata ajorluartumik apeqqutikka akiumasimannilai. Tamanna ammanertut taaneqarsinnaagunanngilaq....

Taamaattumik apeqqutikka qulaaniittut Inatsisartut suleriaasianni § 37 tunngavigalugu apeqqutigisariaqarlersimavakka.

Apeqqutit akeqquneqarput tiguneraniit ullut sulliviit naliginnaasut qulit qaangiutsinnagit.